

Oqaaseqaatit nalinginnaasut

Inatsisartut 2001-imi ukiakkut ataatsimiinneranni Inatsisartut Inuussutissarsiorneq pillugu ataatsimiitsitaliaata "Takornariaqarnermik inuussutissarsiuqarneq aamma nunami inuussutissarsiutit siuarsarneqarnissaat pillugit Inatsisartut inatsisissaattut siunnersuummut" isumaliutissiisummini Naalakkersuisunut kajumissaarutigaa, nunat allamiut umiarsuaasa takornarianik angallassissutit akileraarusiiffigineqarsinnaanerak misissoqqullugu; pineqartut tassaapput umiarsuit takornarianik angallassissutit Kalaallit Nunaata imartaani angalaartillutik umiarsualivimmut nunalittut imaluunniit Kalaallit Nunaanni umiarsualivimmut nunalinnikkaluarlutik umiarsualiviup avataani kisartut. Naalakkersuisuttaaq kajumissaarneqarput misissueqqullugit, umiarsuit takornarianik angallassissutit taamaattut Kalaallit Nunaata imartaani angalaartillutik ilisimasortaqartussaataaannik atuutilersitsinissamut suut periarfissaanersut. Misissuineq siunnersuummi matumani innersuussutigineqartoq Inatsisartut 2002-mi upernaakkut ataatsimiinnissaat sioqqullugu Inatsisartut Inuussutissarsiorneq pillugu ataatsimiitsitaliaanut nassiuqqarneqpoq, taaguteqartoq "Umiarsuit takornarianik angallassissutit atorlugit Kalaallit Nunaanni takornarianik angallassineq pillugu nassuiaat, februar 2002".

Umiarsuit takornarianik angallassissutit umiarsualivimmiinnermut akileraarutiniq akiliisarnissaat pillugu maleruagassanik allannguinnissamik siunnersuutip saqqummiunneqartup kingunerissavaa, umiarsuarni takornarianik angallassissutini ilaasunit siusinnerusumit annertunerusumik nunatta aningaasaqarniarneranut akileeqataasarnunissaat, soorluttaaq siunnersuutip kingunerissagaa Kalaallit Nunaata imartaani takornarianik angallassinermik neqerooruteqartut unammillersinnaanermut assigiinnerusumik periarfissinneqarnerat, tassami umiarsuit takornarianik angallassissutit nunamit suminnangaanneerak apeqqutaatinnagu tamarmik akileraarutiniq akiliisussannqortussaammata.

Umiarsuit takornarianik angallassissutit Kalaallit Nunaata imartaaniittut pinngitsooratik ilisimasortaqartarnissaannik aalajangersagaliornissap piviusunnqortinneqarsinnaanera misissuineq qulaani taaneqartoq malillugu periarfissaqanngilaq, ilisimasortassammi naammattut pissarsiarineqarsinnaanissaat ajornassammat. Aammattaaq umiarsuit takornarianik angallassissutit Kalaallit Nunaata imartaaniittut nalunaaruteqarnissamik nalinginnaasumik maannakkorpiaq pisussaaffilerneqarnissaat periarfissaqanngilaq, kisiannili ukiut amerlanngitsut qaangiuppata nalunaaruteqarnissamik nalinginnaasumik pisussaaffiliinissap nunat tamat akornanni aalajangiunneqarnissaa naatsorsuutigineqarpoq.

Siunnersuutaavoq umiarsuit takornarianik angallassissutit siunissami umiarsualivimmiinnermut akileraarutiniq akiliisaratik, tassunga taarsiullugu umiarsuup ilaasuinut akileraarummik ilaasumut ataatsimut 300 kr.-inik akiliisarnissaat, kiisalu umiarsuup takornarianik angallassissutit naalagaa, umiarsuup Kalaallit Nunaanni umiarsualivimmut nunalinnissaa, umiarsualiviup avataanut kisarnissaa imaluunniit ilaasuminik sinerissami nunnigussinissaa nal.ak. 24-nik

sioqqullugu allattorsimaffimmik ilaasut qassiunerinik imaqartumik Akileraartarnermi Pisorta qarfirmut nalunaaruteqartarnissaa.

Kiisalu allaffissorneq eqqarsaatigalugu siunnersuutigineqarpoq, umiarsuaatileqatigiiffiit ilaasunik angallassisut Kalaallit Nunaanni umiarsualiviit akornanni aalajangersimasumik ingerlaartut, aammalu Namminersornerullutik Oqartussanik sullissinissamik isumaqatigiissuteqartut, umiarsuarnut ilaasunik angallassissutinut taakkununga umiarsualivimmiinnermut akileraarutininik akiliisussaataanninnissaat, tassa naatsorsuutigineqarmat sullissinissamik isumaqatigiissut naapertorlugu Namminersornerullutik Oqartussat akiliutissaat umiarsuaatileqatigiiffiup umiarsualivimmiinnermut akileraarutininut akiliisussaasuuguni akiligassaraluisut annertutigisumik appartinneqassasut.

Siunnersuutip ulloq 1. januar 2003-miit atuutilernissaa siunnersuutaavoq, umiarsuilli 2003-mi takornarianik angallassinissaat 2002-p aasaanerani tuniniarneqalereersussaammata inatsisip 2002-mi upernaakkut ataatsimiinnissami aalajangiutivinneqarnissaa pisariaqarpoq, 2003-mi angalanissat neqeroorutigineqarnissaa sioqqullugu angallassinissamik tuniniaasartut tamanna ilisimareerniassammassuk.

Umiarsualivimmiinnermut akileraarutit pillugit Namminersornerullutik Oqartussat nalunaarutaata nr. 28, 27. november 1997-imeersup matuma kingorna allangortinneqarnissaa naatsorsuutigineqarpoq, tassa Kangerlussuarmi Narsarsuarmilu umiarsualivinnut nunalinnermi umiarsualivimmiinnermut akileraarutininik akiliisarnissaq aamma atuuttussanngorlugu.

Umiarsualivimmiinnermut akileraarutit pillugit Inatsisartut inatsisaata allangortinneqarnissaanik siunnersuutip landskarsimut ukiumut 1,2 mio. kr.-nininik isertitsissutaanerusarnissaa naatsorsuutigineqarpoq, taakkualu saniatigut sipaarutaasussaapput Arctic Umiaq Line A/S-ip sullissinissamik isumaqatigiissutaatigut atunngitsuugassat ukiumut 1,8 mio. kr.-nit, tassalu katillugit ukiumut 3 mio. kr.-nit ukioq 2003 aallarnerfigalugu. Taakku saniatigut naatsorsuutigineqarpoq akileraarutit aqqiivigineqarnissaanik siunnersuutip kingunerisaanik umiarsuit takornarianik angallassissutit amerlanerusut umiarsualivinnut nunalitalernissaat, tassuunakkullu umiarsuit takornarianik angallassissutit ilaasuisa nunamiinnerminni aningaasanik amerlanerusunik atuisalernissaat.

Siunnersuutip allaffissornermut malunnaatilimmik sunniuteqarnissaa ilimagineqanngilaq.

Siunnersuut Arctic Umiaq Line A/S-imut, Royal Arctic Line A/S-imut, Ineqarnermut, Attaveqarnermut Pilersuinerullu Pisorta qarfirmut, Avatangiisinut Pinngortitamullu Pisorta qarfirmut, Allattoqarfiup Inuussutissarsiutinut immikkoortorta qarfianut, Allattoqarfiup nunanut allanut tunngasunut allaffianut, Aningaasaqarnermut Pisorta qarfirmut, KANUKOKA-mut aamma Greenland Tourism A/S-imut tusarniaassutigineqarsimavoq, taakkulu oqaaseqaataat

pisariaqarneri malillugit inatsisissatut siunnersuutip suliarineqarnerani ilanngunneqarsimapput.

Aalajangersakkanut ataasiakkaanut oqaaseqaatit

§ 1, nr. 1-imut

Umiarsuit takornarianik angallassissutit umiarsualivimmiinnermut akileraarutininik akiliissaarlutik, tassungali taarsiullugu umiarsuup ilaasuinut inummut ataatsimut akileraarummik akiliisalersussaammata, paatsoortoqannginnissaa pillugu siunnersuutigineqarpoq inatsisip taaguutaa allanngortillugu, Umiarsualivimmiinnermut aamma umiarsuit takornarianik angallassissutit ilaasunik angallassinerrannut akileraarutit pillugit Inatsisartut inatsisaannik taaguuteqalernissaa.

§ 1, nr. 2-mut

Umiarsuit takornarianik angallassissutit pineqartut tassaapput umiarsuit ilaasartaatit aalajangersimasumik ingerlaartuunngitsut aammalu umiarsualivimmiit umiarsualivimmut ilaasunik assartuinissaq siunertarinerullugu ingerlaartuunngitsut. Ilaasuisa pingaarnertut siunertaat tassaasarpoq nuannaariarneq qasuersaarnissarlu, soorluttaaq umiarsuarmi takornarianik angallassissummi ilaasuulluni takornariatut angalasuunissaq imminermini pilerigineqartartuusoq.

Umiarsuaq ilaasartaat aalajangersimasumik ingerlaarunnaarallarluni takornarianik sinerissami angallassissalluni aallartippat, umiarsuaq takornarianik angallassisutut isigineqassaaq.

Ilaasut pineqartut tassaapput inuk kinaluunniit, akiliilluni akiliinaniluunniit umiarsuarmiittoq. Inuttat sullissisullu ilaasutut isigineqanngillat.

Siunnersuutaavoq umiarsuit takornarianik angallassissutit umiarsualivimmiinnermut akileraarutininik siunissami akiliisannginnissaat, apeqqutaatinnagu umiarsuaq umiarsualivinnut qassinut nunalinnersoq, tassungali taarsiullugu umiarsuup ilaasuminut ataatsimut akileraarummik 300 kr.-iniusumik akiliisalernissaa.

Ilaasumut ataatsimut akileraarut akiligassanngussaaq umiarsuaq Kalaallit Nunaanni umiarsualivimmut nunalippat, umiarsualiviup avataanut kisarpit imaluunniit ilaasuminik sinerissamut nunnigussippat.

Umiarsuaq Kalaallit Nunaata sineriaani angalanermini umiarsualivinnut arlaqartunut nunalippat imaluunniit ilaasuminik sinerissamut arlaleriarluni nunnigussippat tamanna akileraarutininik akileeqqinnermik nassataqartussaangilaq. Umiarsuaq

takornarianik angallassissut angallassinermik aallartitsererluni nutaanik ilaasoqalerpat, umiarsuaq ilaasumi nutaat amerlassusiat malillugu akileraarutininik akiliinerussaaq.

Takornarianik angallassineq Kalaallit Nunaanni umiarsualivimmiit aallartinneqarlunilu naammassineqarpat, umiarsuup Kalaallit Nunaanni umiarsualivimmit aallarnerani ilaasuisa amerlassusiat malillugu umiarsuaq akileraarutininik akiliissaaq. Umiarsuup Kalaallit Nunaata sineriaani angalaarnermini umiarsualiviit arlaqartut nunaliffigippagit imaluunniit ilaasuminik sinerissamut arlaleriarluni nunnigussippat tamanna akileraarutininik akiliinerunermik kinguneqassanngilaq. Umiarsuaq takornarianik angallassissut angallassinermik aallartitsererluni nutaanik ilaasoqalerpat, ilaasut nutaat amerlassusiat malillugu umiarsuaq akileraarutininik akiliinerussaaq.

Takornarianik angallassineq nunap allap umiarsualivianiit, matumani aamma danskit savalimmiulluunniit umiarsualivianniit aallartinneqarpat, Kalaallit Nunaanni naammassineqarluni, tassanngaanniillu nutaanik ilaasoqarluni nunap allap umiarsualivianut, matumani aamma danskit savalimmiulluunniit umiarsualiviannut ingerlaassalluni takornarianik angallassineq nutaaq aallarnerpagu, taava umiarsuup ilaasut Kalaallit Nunaanni umiarsualivimmut ilaasorisasa amerlassusiat kiisalu umiarsuup Kalaallit Nunaanni umiarsualivimmiit aallarnermini ilaasorisasa amerlassusiat naapertorlugu umiarsuaq akileraarutininik akiliissaaq.

Umiarsuup Kalaallit Nunaanni umiarsualivimmut, umiarsualiviup avataani kisarsimaffissaminut sinerissamiluunniit ilaasuminik nunnigussiffissamisut tikitassanut siullermut apuunnissaa nal.ak. 24-nik sioqqullugu umiarsuup takornarianik angallassissutip naalagaata allattorsimaffimmik, ilaasut qanoq amerlatiginerannik imaqartumik Akileraartarnermi Pisortaqarfimmut nassiussisarnissaa siunnersuutaavoq. Taamatut nalunaaruteqartussaaneq ullumikkut atuutereerpoq, tassami ingerlaarfissatut pilersaarut Akileraartarnermi Pisortaqarfimmut nalunaarutigineqareersimasoq naapertorlugu umiarsuup aalajangersimasumik ingerlaarfeqanngitsup naalagaa pisussaammat, umiarsuup Kalaallit Nunaanni akitsuuteqarfiusumut tikinnerani tikinneq umiarsualivimmi oqartussaasunut qaninnerpaanut piaarnerpaamik nalunaarutigissallugu, aammalu umiarsuup Kalaallit Nunaanni umiarsualivimmut tikiffissaatut naatsorsuutigineqartoq kingusinnerpaamik nal.ak. 24-nik sioqqullugu umiarsualivimmi oqartussaasunut pineqartunut nalunaarutigissallugu.

§ 1, nr. 3-mut

Sullissinissamik isumaqatigiissut tassaatinneqarpoq suliassanik aalajangersimasunik akimillu siumut isumaqatigiissutaareersumik Namminersornerullutik Oqartussat suliassanillu isumaginnittussap akornanni niueqatigiilluni isumaqatigiissut, isumaqatigiissullu taanna suliassanik isumaginnittussap, qanoq sulleritsiginini apeqqutaatillugu iluanaaruteqarfigisinnaavaa annaasaqaatigisinnaalluguluunniit.

Aalajangersagaq maannakkorpiaq taamaallaat Arctic Umiaq Line A/S-imut sunniuteqartussaavoq.

§ 1, nr. 4-mut

Siunnersuutaavoq umiarsuit takornarianik angallassissutit akileraarutinit akiligassaasa akiligassangortarnissaat, umiarsuupumiarsualivimmut, umiarsualiviup avataani kisarfissaminut imaluunniit sinerissami ilaasuminik nunnigussiffissaminut siullermut tikinneraniit, aammalu kingusinnerpaamik aallalernerani akileraarutit Akileraartarnermi Pisortaqarfimmut akilerneqartarnissaat. Takornarianik angallassineq Kalaallit Nunaanni umiarsualivimmiit aallartinneqarpat akileraarutinit akiligassat umiarsuup umiarsualivimmut tassunga nunalinnerani akiligassangussapput, akileraarutillu kingusinnerpaamik umiarsuup aallalernerani Akileraartarnermi Pisortaqarfimmut akilerneqassallutik. Takornarianik angallassineq aallartereersoq umiarsuaq takornarianik angallassissut ilaasunik nutaanik Kalaallit Nunaanni umiarsualivimmiit ilaasoqalerpat, akileraarutinit akiligassat umiarsuup umiarsualivimmut tassunga ilaasunik nutaanik ilaasoqalerfimminut nunalinneraniit akiligassangussapput, akileraarutinullu akiligassat amerlissutaat taakku kingusinnerpaamik umiarsuup aallalernerani Akileraartarnermi Pisortaqarfimmut akilerneqassallutik.

Umiarsuarnut allanut umiarsualivimmiinnermut akileraarutinit akiliisussanut akileraarutinit akiligassat akilerneqarfissangorfiat aammalu akileraarutinit akiligassat kingusinnerpaamik akilerneqarfissaat pillugit aalajangersakkat allannguuteqanngillat.

§ 2-mut

Inatsisartut inatsisaata ulloq 1. januar 2003-miit atuutilernissaa siunnersuutaavoq.